

容齋題跋

目錄

卷之一

跋祕閣書目

跋易舉正

跋孔安國尚書註

跋韓嬰詩外傳

跋白虎通德論

容齋題跋

目錄

跋方言

跋說文解字

跋資治通鑑

跋真宗實錄

跋汲冢周書

跋大唐說纂

跋開元天寶遺事

跋續會要



汲古閣

跋蔣魏公逸史

跋皇朝百族譜

跋列子

跋尹子

跋隨巢子胡非子

跋戰國策

跋范子計然

跋意林

容齋題跋

目錄

汲古閣

跋續樹萱錄

跋雲仙散錄

跋孔氏野史

跋後山談叢

跋漢志雜占十八家

跋漢志兵技考

跋冊府元龜

跋晉代名臣文集

跋薛許昌集

跋駱賓王集

跋元子

跋皇甫持正集

跋張鶯龍筋鳳髓判

跋文與可丹淵集

卷之二

跋歐陽率更帖

容齋題跋

目錄

跋蔡君謨帖

汲古閣

跋蔡君謨帖語

蔡君謨書碑

顏魯公帖

趙德甫金石錄

跋黃魯直詩

跋白樂天詩

又

跋歐陽公牡丹釋名

跋韋蘇州集

跋李頎詩

跋杜甫詩

跋張祐詩

跋李益盧綸詩

跋玉藥杜鵬

跋徐凝詩

容齋題跋

目錄

跋梅花詩

跋司空表聖詩

跋黃魯直詩

跋俞似詩

跋吳激小詞

跋東坡詩


跋李陵詩

跋張文潛詩

汲古閣

容齋題跋卷之一

宋 鄱陽洪邁景廬



明 海隅毛晉子晉 訂

跋祕閣書目

國初承五季亂離之後所在書籍印板至少宜其
焚蕩了無孑遺然太平興國中編次御覽引用一
千六百九十種其綱目竝載於首卷而雜書古詩
賦又不及其錄以今攷之無傳者十之七八矣則
容齋題跋

卷之一

汲古閣

是承平百七十年翻不若極亂之世姚鉉以大中
祥符四年集唐文粹其序有云況今歷代墳籍略
無亡逸觀鉉所類文集蓋亦多不存誠爲可歎
跋易舉正

唐蘇州司戶參軍郭京撰易舉正三卷云曾得王
輔嗣韓康伯手寫註定傳授真本比較今世流行
本及國學鄉貢舉人等本或將經入註用註作經
小象中間以下句反居其上爻辭註內移後義却

處於前兼有脫遺兩字顛倒謬誤者竝依定本舉
正其訛凡一百三節今略取其明白者二十處載
於此坤初六履霜堅冰至象曰履霜陰始凝也馴
致其道至堅冰也今本於象文霜字下誤增堅冰
二字屯六三象曰卽鹿無虞何以從禽也今本脫
何字師六五田有禽利執之無咎元本之字行書
向下引脚稍類言字轉寫相仍故誤作言觀註義
亦全不作言字釋也比九五象曰失前禽舍逆取

容齋題跋

卷之一
二

汲古閣

順也今本誤倒其句賁亨不利有攸往今本不字
誤作小字剛柔交錯天文也文明以止人文也註
云剛柔交錯而成文焉天之文也今本脫剛柔交
錯一句坎卦習坎上脫坎字垢九四包失魚註云
有其魚故失之也今本誤作无魚蹇九三往蹇來
正今本作來反困初六象曰入於幽谷不明也今
本谷字下多幽字鼎象聖人亨以享上帝以養聖
賢註云聖人用之上以享上帝而下以養聖賢今

本正文多而大亨三字故註文亦誤增大亨二字
震象曰不喪七鬯出可以守宗廟社稷以爲祭主
也今本脫不喪七鬯一句漸象曰君子以居賢德
善風俗註云賢德以止巽則居風俗以止巽乃善
今本正文脫風字豐九四象遇其夷主吉志行也
今文脫志字中孚象豚魚吉信及也今本及字下
多豚魚二字小過象柔得中是以可小事也今本
脫可字而事字下誤增吉字六五象曰密雲不雨
已止也 註陽已上下故也今本正文作已上故
註亦誤作陽已上故止也既濟象曰既濟亨小小
者亨也今本脫一小字繫辭二多譽四多懼註云
懼近也今本誤以近也字爲正文而註中又脫懼
字雜卦蒙稚而著今本雜誤作雜字予頃於福州
道藏中見此書而傳之及在後省見晁公武所進
易解多引用之世罕有其書也

容齋題跋

卷之一
三

汲古閣

跋孔安國尚書註

孔安國古文尚書自漢以來不列於學官故左氏傳所引者杜預輒註爲逸書劉向說苑臣術篇章云泰誓曰附下而罔上者死附上而罔下者刑與聞國政而無益於民者退在上位而不能進賢者逐此所以勸善而黜惡也漢武帝元朔元年詔責中外不興廉舉孝有司奏議曰夫附下罔上者死云云其語與說苑所載正同而諸家註釋至於顏師古皆不能援以爲證今之泰誓初未嘗有此容齋題跋

卷之一
四

汲古閣

語也漢宣帝時河內女子得泰誓一篇獻之然年月不與序相應又不與左傳國語孟子衆書所引泰誓同馬鄭王肅諸儒皆疑之今不復可攷

跋韓嬰詩外傳

藝文志有韓家詩經韓故內傳外傳韓說五書今惟存外傳十卷慶曆中將作監主簿李用章序之命工刊刻於杭其末又題云蒙文相公改章三千餘字予家有其書百卷第二章載孔子南遊適楚

見處子佩璵而浣乃令子貢以微詞三挑之以是說詩漢廣游女之章其繆戾甚矣他亦無足言

跋白虎通德論

晉唐至今諸儒訓釋六經否則自立佳名蓋各以百數其書曰傳曰解曰章句而已若戰國迨漢則其名簡雅一曰故故者通其指義也書有夏侯解故詩有魯故后氏故韓故也毛詩故訓傳顏師古謂流俗改故訓傳爲詁字失真耳小學有杜林倉容齋題跋

卷之一
五

汲古閣

顏故二曰微謂釋其微指如春秋有左氏微鐸氏微張氏微虞卿微傳三曰通如注丹易通論名爲注君通班固白虎通應劭風俗通唐劉知幾史通韓滉春秋通凡此諸書唯白虎通風俗通僅存耳又如鄭康成作毛詩箋申明其義他書無用此字者論語之學但曰齊論魯論張侯論後來皆不然也

跋方言

今世所傳揚子雲輜軒使者絕域語釋別國方言
凡十三卷郭璞序而解之其末又有漢成帝時劉
子駿與雄書從取方言及雄答書以予攷之殆非
也雄自序所爲文漢史本傳但云經末大於易故
作太玄傳莫大於論語作法言史篇莫善於蒼頡
作訓纂箴莫善於虞箴作州箴賦莫深於離騷反
而廣之辭莫麗於相如作四賦雄平生所爲文盡
於是矣初無所謂方言漢藝文志小學有訓纂一

容齋題跋

卷之一
六

汲古閣

篇儒家有雄所序三十八篇註云太玄十九法言
十三樂四箴二雜賦有雄賦十二篇亦不載方言
觀其答劉子駿書稱蜀人嚴君平按君平本姓莊
漢顯宗諱莊改曰嚴法言所稱蜀莊沈冥蜀莊之
才之珍吾珍莊也皆本字何獨至此書而曰嚴又
子駿只從之求書而答云必欲脅之以威陵之以
武則縊死以從命也何至是哉旣云成帝時子駿
與雄書而其中乃云孝成皇帝反覆牴牾又書稱

汝穎之間先漢人無此語也必漢魏之際好事者爲之云

跋說文解字

許叔重在東漢與馬融鄭康輩不甚相先後而所著說文引用經傳多與今文不同聊撫逐書十數條以示學者其字異而音同者不載所引周易百穀草木麗乎土爲草木麗乎地服牛乘馬爲犮音備牛乘馬夕惕若厲爲若夕寅其文蔚也爲斐也乘

睿齋題跋

卷之一
七

汲古閣

馬班如爲驢如天地網緼爲天地壹壺所引書帝

乃殂落爲勛乃殂窳三苗爲窳

窳也音倅

三苗又闌闌

升雲半有半無獮有爪而不敢以撼及以相陵懣

維緇有稽之句皆云周書今所無也所引詩旣伯

旣禱爲旣禡旣禡新臺有泚爲有玼焉得設草爲

安得憲草論語荷蕢而荷史褻裘爲蛄衣又有駭

予之足一句孟子源源而來爲諛諛接浙爲澆浙

澆其兩反乾瀆未也

左傳有涼爲牖涼莧夷爲發

音發夷國語

觥飯不及壺餐爲飢飯不及一食如此者甚多

跋資治通鑑

司馬公修資治通鑑辟范夢得爲官屬嘗以手帖論續述之要大抵欲如左傳敘事之體又云凡年號皆以後來者爲定如武德元年則從正月便爲唐高祖更不稱隋義寧二年梁開平元年正月便不稱唐天祐四年故此書用以爲法然究其所窮頗有窒而不通之處公意正以春秋定公爲倒於

容齋題跋

卷之一

汲古閣

未卽位卽書正月爲其元年然昭公以去年十二月薨則次年之事不得復係於昭故定雖未立自當追書然經文至簡不過一二十字一覽可以了解若通鑑則不侔隋煬帝大業十三年便以爲恭皇帝上直至下卷之末恭帝立始改義寧後一卷則爲唐高祖蓋凡涉歷三卷而煬帝固存方書其在江都時事明皇後卷之首標爲肅宗至德元載至一卷之半方書太子卽位代宗下卷云上方勵

精求治不次用人乃是德宗也莊宗同光四年便
係於天成以爲明宗而卷內書命李嗣源討鄴至
次卷首莊宗方殂潞王清泰三年便標爲晉高祖
而卷內書石敬瑭反至卷末始爲晉天福凡此之
類殊費分說此外如晉宋諸胡僭國所封建王公
及除拜卿相纖悉必書有至二百字者又如西秦
丞相南川宣公出連乞都卒魏都坐大官章安侯
封懿天部大人白馬文正公崔宏宐都文成王穆

容齋題跋

卷之一
九

汲古閣

觀鎮遠將軍平舒侯燕鳳平昌宣王和其奴卒皆
無關於社稷治亂而周勃薨乃不書及書漢章帝
行幸長安進幸槐里岐山又幸長平御池陽宮東
至高陵十二月丁亥還宮又乙未幸東阿北登太
行山至天井關夏四月乙卯還宮又書魏主七月
戊子如魚池登青岡原甲午還宮八月己亥如彌
澤甲寅登牛頭山甲子還宮如此行役無歲無之
皆可省也

跋真宗實錄

司馬遷作史記於封禪書中述武帝神僊鬼竈方士之事甚備故王允謂之謗書國朝景德祥符之間王文穆陳文忠陳文僖丁晉公諸人造作天書符瑞以爲固寵容悅之計及真宗上僊王沂公懼貽譏後世故請藏天書於梓宮以滅迹而實錄之成乃文穆監修其載崇奉宮廟祥雲之鶴惟恐不詳遂爲信史之累與太史公謗書意異而實同也

容齋題跋

卷之一

汲古閣

跋汲冢周書

周書今七十篇殊與尚書體不相類所載事物亦多過實其克商解云武王先入適紂所在射之三發而後下車擊之以輕呂劍名斬之以黃鉞縣諸大白商二女旣縊又射之三發擊之以輕呂斬之以玄鉞縣諸小白越六日朝至於周以三首先鉞入燎於周廟又用紂於南郊夫武王之伐紂應天順人不過殺之而已紂旣死何至梟戮俘馘且用

之以祭乎其必不然者也又言武王狩事尤爲淫侈至於擒虎二十有二貓二麋五千二百三十五犀十有三鼈七百二十有一熊百五十一羆百十八豕三百五十有二貉十有八麂十有六麝五十鹿三千五百有二遂征四方凡愍國九十有九國馘磨億有十萬七千七百七十有九其多如是雖註家亦云武王以不殺爲仁無緣所馘如此蓋大言也王會篇皆大會諸侯及四夷事云唐叔荀叔

容齋題跋

卷之一
十一

汲古閣

周公在左太公在右堂下之右唐公虞公南面立焉堂下之左商公夏公立焉四公者堯舜禹湯後商夏卽杞宋也又言俘商寶玉億有百萬所紀四夷國名頗古與獸畜亦奇崛以肅慎爲稷慎獺人爲穢人樂浪之夷爲良夷姑蔑爲姊妹東甌爲且甌渠搜爲渠叟高句麗爲高夷所敘穢人前兒若彌猴立行聲似小兒良夷在子獸名弊身人首脂其腹炙之藿則鳴揚州禺禺魚人鹿青丘狐九尾

東南夷曰氐乘黃乘黃者似騏背有兩角東越海
舍海陽盈車大蟹西南戎曰央林以酋耳酋耳者
身若虎豹渠叟以勦犬者露犬也能飛食虎豹區
陽戎以鼈封鼈封者若彘前後有首蜀人以文翰
文翰者若臯雞康民以稗苴其實如李食之宐子
北狄州縻費費其形人身枝腫自笑笑則上脣翕
其目倉人都郭

亦北狄

生生若黃狗人面能言奇

幹

亦北狄

善芳頭若雄雞佩之令人不昧正東高

睿齋題跋

卷之一
十二

汲古閣

夷噉羊噉羊者羊而四角西方之戎曰獨鹿叩叩

距虛犬戎文馬而赤鬣縞身目若黃金名古皇之

乘白州比閭比閭者其華若羽以其木爲車終行

不敗篇末引伊尹朝獻商書云湯問伊尹使爲四

方獻令伊尹請令正東以魚皮之鞞鯽醬蛟厥利

劔正南以珠璣璵象齒文犀正西以丹青白旄

江歷

珠名

龍角正北以橐駝駒駃騠良弓爲獻

湯曰善凡此皆無所質信姑錄之以貽博雅者唐

太宗時遠方諸國來朝貢者甚衆服裝詭異顏師古請圖以示後作王會圖蓋取諸此漢書所引天子不取反受其咎母爲權首將受其咎以爲逸周書此亦無之然則非全書也

跋大唐說纂

藝文志有李繁大唐說纂四卷今罕得其書予家有之凡所紀事率不過數十字極爲簡要新史大抵採用之其忠節一門曰武后問石泉令王方慶

容齋題跋

卷之一
十三

汲古閣

曰朕夜夢雙陸不勝何也曰蓋謂宮中無子意者恐有神靈傲夫陛下因陳人心在唐之意后大悟召廬陵王復儲位新史載其說通鑑去之似爲可惜

跋開元天寶遺事

俗間所傳淺妄之書所謂雲仙散錄開元天寶遺事之屬皆絕可笑遺事託云王仁裕所著仁裕五代時人雖文章乏氣骨恐不至此姑析其數端以

爲笑其一云姚元崇開元初作翰林學士有步輦
之召按元崇自武后時已爲宰相及開元初三人
輔矣其二云郭元振少時美風姿宰相張嘉貞欲
納爲壻遂牽紅絲線得第三女果隨夫貴達按元
振爲睿宗宰相明皇初年卽貶死後十年嘉貞方
作相其三云楊國忠盛時朝之文武爭附之以求
富貴惟張九齡未嘗及門按九齡去相位十年國
忠方得官耳其四云張九齡覽蘇頲文卷謂爲文
陣之雄師按頲爲相時九齡元未達也此皆顯顯
可言者固鄙淺不足攻然頗能疑誤後生也惟張
彖指楊國忠爲水山事資治通鑑亦取之不知別
有何据近歲興化軍學刊遺事南劍州學刊散錄
皆可毀

跋續會要

國朝會要自元豐三百卷之後至崇寧政和間復
置局修纂宣和初王黼秉政罷修書五十八所時

容齋題跋

卷之一
十四

汲古閣

會要已進一百十卷餘四百卷亦成但局中欲節
次凱賞故未及上既有是命局官以謂若朝廷許
立限了畢不過三兩月可以投進而黼務悉矯蔡
京所爲故一切罷之官吏皆散文書皆爲棄物矣
建炎三年外舅張淵道爲太常博士時禮寺典籍
散佚亡幾而京師未陷公爲宰相言宜遣官往訪
故府取見存圖籍悉輦而來以備掌故此若緩而
甚急者也宰相不能用其後逆豫竊據鞠爲煨燼
容齋題跋

卷之一
十五

汲古閣

吁可惜哉

跋蔣魏公逸史

蔣魏公逸史穎叔所著也多記當時典章文物之
舊有數百冊兵火間盡失之其曾孫芾始捃摭遺
藁而成此書將以奏御以其副上之太史且板行
之傳之天下後世旣而不果蔣公在熙寧元祐崇
寧時爲博文強識然閱其論述頗有可議恨不及
丞相在日與之言大槩辨訂官制之訛誤也

跋皇朝百族譜

姓氏之書大抵多謬誤如唐貞觀氏族志今已忘其本元和姓纂誕妄最多國朝所修姓源韻譜又爲可笑姑以洪氏一項考之云五代時有洪昌洪杲皆爲參知政事予按此二人乃五代南漢僭主劉龔之子及晟嗣位用爲知政事其兄弟本連弘字以本朝國諱故五代史追改之元非姓洪氏也此與洪慶善丹陽弘氏云有弘憲者元和四年

容齋題跋

卷之一
十六

汲古閣

嘗跋輞川圖不知弘憲乃李吉甫之字耳其誤正同

跋列子

列子書事簡勁宏妙多出莊子之右其言惠盎見宋康王說勇有力一段語宛轉四反非數百言曲而暢之不能了而潔淨粹白如此後人筆力渠可復到耶

跋尹子

尹文子文僅五千言議論亦非純本黃老者詳味其言頗流而入於兼愛莊子末序天下之治方術者曰不累於俗飾於物不苟於人不恃於衆願天下之安寧以活民命人我之養畢足而止以此白心古之道術有在於是者宋鉞尹文聞其風而悅之作爲華山之冠以自表雖天下不敢強聒而不舍者也其爲人太多其自爲太少蓋亦盡其學云荀卿非十二子有宏鉞而文不預又別一書曰尹

容齋題跋

卷之一
十七

汲古閣

子五卷共十九篇其言論膚淺多及釋氏蓋晉宋時細人所作非此之謂也

跋隨巢子胡非子

漢書藝文志墨家者流有隨巢子六篇胡非子三篇皆云墨翟弟子也二書皆不復存馬總意林所述各有一卷隨巢之言曰大聖之行兼愛萬民疎而不絕賢者欣之不肖者憐之賢而不欣是賤德也不肖不憐是忍人也又有鬼神賢於聖人之論

其於兼愛明鬼爲墨之徒可知胡非之言曰勇有五等負長劔赴深淵折蛟龍搏熊羆此獵徒之勇也負長劔赴深淵折蛟龍搏鼉鼉此漁人之勇也登高危之上鵠立四望顏色不變此陶岳之勇也剽必刺視必殺此五刑之勇也齊威公以魯爲南境魯憂之曹劌匹夫之士一怒而劫萬乘之師存千乘之國此君子之勇也其說亦卑陋無過人處

跋戰國策

容齋題跋

卷之一
十八

汲古閣

劉向敘戰國策言其書錯亂相揉莒本字多脫誤爲半字以趙爲肖以齊爲立如此類者多余按今傳於世者大抵不可讀其韓非子新序說苑韓詩外傳高士傳史記索隱太平御覽北堂書抄藝文類序諸書所引用者多今本所無向博極羣書但擇焉不精不止於文字脫誤而已惟太史公史記所采之事九十有三則明白光艷悉可稽考視向爲有間矣高氏子略曰班固稱太史公取戰國策

楚漢春秋陸賈新語作史記三書者一經太史公
采擇後之人遂以爲天下奇書予惑焉每讀此書
見其叢脞少倫同異錯出事或著於秦齊又復見
於楚趙言辭謀議如出一人之口雖劉向校定卒
不可正其淆駁會其統歸故是書之汨有不可得
而辯者況於楚漢春秋陸賈新語乎二書紀載殊
無奇耳然則太史公獨何有取於此夫載戰國楚
漢之事舍三書他無可考者太史公所以加之采
擇者在此乎柳子厚嘗謂左氏國語其闕深傑異
固世之所耽嗜而不已也而其說多誣淫不槩於
聖余懼世之學者惑其文采而淪於是非作非國
語昔讀是書殊是以子厚言之或過矣反覆戰國
策而後三歎非國語之作其用意切且深也予遂
効此盡取戰國策與史記同異又與說苑新序雜
見者各彙正之名曰戰國策考

容齋題跋

卷之一
十九

汲古閣

跋范子計然

漢書貨殖傳越王句踐困於會稽之上乃用范蠡計然遂報強吳孟康註曰姓計名然越臣也蔡謨曰計然者范蠡所著書篇名耳非人也謂之計然者所計而然也羣書所稱句踐之賢佐種蠡爲首豈復聞有姓計名然者乎若有此人越但用半策便以致霸是功重於范蠡而書籍不見其名史遷不述其傳乎顏師古曰蔡說謬矣古今人表計然列在第四等一名計研班固賓戲研桑心計於無

容齋題跋

卷之一
二十

汲古閣

垠卽謂此耳計然者濮上人也嘗南遊越范蠡卑身事之其書則有萬物錄事見皇覽及晉中經簿又吳越春秋及越絕書竝作計倪此作倪研及然聲皆相近實一人耳何云書籍不見哉予按唐貞元中馬總意林一書抄類諸子百餘家有范子十二卷云計然者蔡丘濮上人姓辛字文子其先晉國之公子也爲人有內無外狀貌似不及人少而明學陰陽見微知著其志沈沈不肯自顯天下莫

知故稱曰計然時遨遊海澤號曰漁父范蠡請其見越王計然曰越王爲人烏喙不可與同利也據此則計然姓名出處皎然可見裴駟註史記亦知引范子北史蕭大圓云留侯追踪於松子陶朱成術於辛文正用此事曹子建表引文子李善註以爲計然師古蓋未能盡也而文子十二卷李暹註其序以爲范子所稱計然但其書一切以老子爲宗略無與范蠡謀議之事意林所編文子正與此卷齋題跋

卷之一
二十一

汲古閣

同所謂范子乃別是一書亦十二卷馬總只載其敘計然及他三事云餘竝陰陽曆數故不取則與文子了不同李暹之說誤也唐藝文志范子計然十五卷註云范蠡問計然答列於農家其是矣而今不存

跋意林

唐世未知尊孟子故意林亦列其書而有差不同者如伊尹不以一介與人亦不取一介於人之類

其所引書如胡非子隨巢子纏子王孫子公孫
尼子阮子生部姚信士緯殷興通語牟子周生列
子秦菁子梅子任奕子魏朗子唐滂子鄒子孫氏
成敗志蔣子譙子鍾子張儼點記裴氏新書袁淮
正書袁子正論蘇子陸子張顯析言于子顧子諸
葛子陳子要言符子諸書今皆不傳於世亦有不
知其名者

跋續樹萱錄

容齋題跋

卷之一
二十二

汲古閣

項在祕閣抄書得續樹萱錄一卷其中載隱君子
元撰夜見吳王夫差與唐諸詩人吟詠事李翰林
詩曰芙蓉露濃紅壓枝幽禽感秋花畔啼玉人一
去未回馬梁間燕子三見歸張司業曰綠頭鴨兒
啞萍藻採蓮女郎笑花老杜舍人曰鼓鼙夜戰北
窗風霜葉泐階貼亂紅三人皆全篇杜工部曰紫
領寬袍澆酒中江頭蕭散作閒人白少傅曰不因
霜葉辭林去的當山翁未覺秋李賀曰魚鱗甃空

排嫩碧露桂梢寒掛團壁三人皆未終篇細味其體格語句往往逼真後閱秦少游集有秋興九首皆擬唐人前所載咸在焉關子東爲秦集序云擬古數篇曲盡唐人之體正謂是也何子楚云續萱錄乃王性之所作而托名他人今其書才有三事其一曰賈博論一曰全若虛一曰元撰詳命名之義蓋取諸子虛亡是公云

跋雲仙散錄

容齋題跋

卷之一
二十三

汲古閣

俗間所傳淺妄之書如所謂雲仙散錄老杜事實之類皆絕可笑然士大夫或信之孔傳續六帖采摭唐事殊有工而悉載雲仙錄中事自穢其書近世南劔州學刊散錄可毀

跋孔氏野史

世傳孔毅甫野史一卷凡四十事予得其書於清江劉靖之所載趙清獻爲青城宰挈散樂妓以歸爲邑尉追還大慟且怒又因與妻忿爭由此惑志

文潞公守太原辟司馬溫公爲通判夫人生日溫公獻小詞爲都漕唐子房峻責歐陽永叔謝希深田元鈞尹師魯在河南攜官妓遊龍門半月不返留守錢思公作簡招之亦不答范文正與京東人石曼卿劉潛之類相結以取名服中上萬言書甚非言不文之義蘇子瞻被命作儲祥宮記大貂陳衍幹當宮事得旨置酒與蘇高會蘇陰使人發御史董敦逸卽有章疏遂墮計中又云子瞻四六表章不能文字其他如潞公范忠宣呂汲公吳冲卿傅獻簡諸公皆不免譏議予謂決非毅甫所作蓋魏泰碧雲馭之流耳溫公自用龐穎公辟不與潞公子方同時其謬妄不待攻也靖之原甫曾孫佳士也而跋是書云孔氏兄弟曾大父行也思其人欲聞其言久矣故錄而藏之汪聖錫亦書其後但記上官彥衡一事豈弗深考云

容齋題跋

卷之一
二十四

汲古閣

後山陳無已著談叢高簡有筆力然所載國朝事
失於不考究多爽其實如云呂許公惡韓富范三
公欲廢之而不能乃建議使行邊及丁文簡因杜
祁公一語之戲而陷杜子美以撼祁公丁晉公以
白金賂中使尼張乖崖不召與張乖崖聞逐萊公
而買田宅以自污攷之諸公出處日月皆不合前
四事所係不細乃誕漫如此蓋前輩不藏國史好
事者肆意飾說爲美聽疑若可信故誤人紀述後

容齋題跋

卷之一
二十五

汲古閣

山之書必傳於後世懼貽千載之惑予是以辨之
跋漢志雜占十八家

漢藝文志七略雜占十八家以黃帝甘德占夢二
書爲首其說曰雜占者紀百家之象候善惡之證
衆占非一而夢爲大故周有其官周禮太卜掌三
夢之法一曰致夢二曰觴夢三曰咸陟鄭氏以爲
致夢夏后氏所作觴夢商人所作咸陟者言夢之
皆得周人作焉而占夢專爲一官以日月星辰占

六夢之吉凶其別曰正曰噩曰思曰寤曰喜曰懼
季冬聘王夢獻吉夢于王王拜而受之乃舍萌于
四方以贈惡夢舍萌者猶釋菜也贈者送之也詩
書禮經所載高宗夢得說周武王夢帝與九齡伐
紂夢叶朕卜宜王考牧牧人有熊羆虺蛇之夢召
彼故老訊之占夢左傳所書尤多孔子夢坐奠于
兩楹然則古之聖賢未嘗不以夢爲大是以見于
七略者如此魏晉方技猶時時或有之今人不復
留意此卜雖市井妄術所在如林亦無以占夢自
名者其學殆絕矣

跋漢志兵技考

漢成帝命任宏論次其書爲四種其權謀中有韓
信三篇形執中有項王一篇前後藝文志載之且
云漢興張良韓信序次兵法凡百八十二家刪取
要用定著三十五家諸呂盜取之項韓雖不得其
死而遺書可傳於後者漢世不廢今不可復見矣

容齋題跋

卷之一
二十六

汲古閣

跋冊府元龜

真宗初命儒臣編修君臣事跡後謂輔臣曰昨見
宴享門中錄唐中宗宴飲韋庶人等預會和詩與
臣僚馬上口摘含桃事皆非禮也已令削之又曰
所編事迹蓋欲垂爲典法異端小說咸所不取可
謂盡善而編修官上言近代臣僚自述揚歷之事
如李德裕文武兩朝獻替記李石開成承詔錄韓
偓金鑿密記之類又有子孫追述先德敘家世如

容齋題跋

卷之一
二十七

汲古閣

李繁鄴侯傳柳氏序訓魏公家傳之類或隱己之
惡或穰人之善竝多溢美故匪信書并僭僞諸國
各有著撰如僞吳錄孟知祥實錄之類自矜本國
事或近誣其上件書竝欲不取餘有三十國春秋
河洛記壺關錄之類多是正史已有秦記燕書之
類出自僞邦商芸小說談藪之類俱是詭譎小事
河南志邠志平剡錄之類多是故吏賓從述本府
戎帥征伐之功傷於煩碎西華雜記明皇雜錄事

多語怪奉天錄尤其是虛詞盡議采取恐成蕪穢竝從之及書成賜名冊府元龜首尾十年皆王欽若提總凡一千卷其所遺棄旣多故亦不能暴白如資治通鑑則不然以唐朝一代言之敘王世充李密事用河洛記魏鄭公諫爭用諫錄李絳議奏用李司空論事睢陽事用張中丞傳淮西事用涼公平蔡錄李泌事用鄴侯家傳李德裕太原澤潞回鶻事用兩朝獻替記大中吐蕃尚婢婢等事用林睿齋題跋

卷之一
二十八

汲古閣

恩後史補韓偓鳳翔謀畫用金鑿密記平龐勛用彭門紀亂討裘甫用平剗錄記畢師鐸呂用之事用廣陵妖亂志皆本末粲然然則雜史瑣說家傳豈可盡廢也

跋晉代名臣文集

故麓中得舊書一帙題爲晉代名臣文集凡十四家所載多不能全真泰山一毫芒耳有張敏者太原人仕歷平南參軍太子舍人濟北長史其一篇

曰頭責子羽文極爲尖新古來文士皆無此作恐
藝文類聚文苑英華或有之惜其泯沒不傳謾采
以遺博雅君子文見五筆
第四卷其文九百餘言頗有東
方朔客難劉孝標絕交論之體集仙傳所載神女
成公智瓊傳見於太平廣記蓋敏之作也鄒湛姓
名因羊叔子而傳而字曰潤甫蓋見於此

跋許昌集

能晚唐人詩格調不甚高而妄自尊大其海棠詩
容齋題跋

卷之一
二十九

汲古閣

荔枝詩折楊柳十詩序可見而所作皆無過人又
別有柳枝詞五首最後一章曰劉白蘇臺總近時
當初章句是誰推纖腰舞盡春楊柳未有儂家一
首詩自註云劉白二尚書繼爲蘇州刺史皆賦楊
柳枝詞世多傳唱雖有才語但文字太僻宮商不
高耳其大言如此但稍推杜陵視劉白以下蔑如
也今讀其詩正堪一笑劉之詞云城外春風吹酒
旗行人揮袂日西時長安陌上無窮樹唯有垂楊

管別離白之詞云紅板江橋青酒旗館娃宮暖日
斜時可憐兩歇東風定萬樹千條各自垂其風流
氣槩豈能所可髣髴哉

跋駱賓王集

王勃等四子之文皆精切有本原其用駢儷作記
序碑碣蓋一時體格如此而後來頗議之杜詩云
王楊盧駱當時體輕薄爲文哂未休爾曹身與名
俱滅不廢江河萬古流正謂此耳身名俱滅以責

容齋題跋

卷之一
三十

汲古閣

輕薄子江河萬古流指四子也韓公滕王閣記云
江南多遊觀之美而滕王閣獨爲第一及得三王
所爲序賦記等壯其文辭註謂王勃作遊閣序又
云中丞命爲記竊喜載名其上詞列三王之次有
榮耀焉則韓之所以推勃亦爲不淺矣勃之文今
存者二十卷云

跋元子

元次山有文編十卷李商隱作序今九江所刻是

也又有元子十卷李紆作序子家有之凡一百五
篇其十四篇以見於文編餘者大抵澶漫矯亢而
第八卷中所載睿方國二十國事最爲譎誕其略
云方國之僮盡身皆方其俗惡圓設有問者曰汝
心圓則兩手起胷露心曰此心圓耶圓國則反是
言國之僮三口三舌相乳國之僮口以下直爲一
竅無手國足便於手無足國膚行如風其說頗近
山海經固已不遑至云惡國之僮男長大則殺父
容齋題跋

卷之一
三十一

汲古閣

女長大則殺母忍國之僮父母見子如臣見君無
鼻之國兄弟相逢則相害觸國之僮子孫長大則
殺之如此之類皆悖理害教於事無補次山中興
頌與日月爭光此書雖不作可也惜哉

跋皇甫持正集

皇甫湜李翱雖爲韓門弟子而皆不能詩浯溪石
間有湜一詩爲元結而作其辭云次山有文章可
惋只在碎然長於指敘約潔多餘態心語適相應

出句多分外於諸作者間拔戟成一隊中行雖富
劇粹美君可蓋子昂感遇佳未若君雅裁退之全
而神上與千載對李杜才海翻高下非可槩文於
一氣間爲物莫與大先王路不荒豈不仰吾輩石
屏立衙衙溪口楊素瀨我思何人知徒倚如有待
味此詩乃論唐人文章爾風格殊無可悉也

跋張鶩龍筋鳳髓判

唐史稱張鶩早慧絕倫以文章瑞朝廷屬文下筆

容齋題跋

卷之一
三十二

汲古閣

輒成今其書傳於世者朝野僉載龍筋鳳髓判是
也僉載紀事瓚尾擿裂且多蝶語百判純是當時
文格全類俳體但知堆垛故事而於蔽罪議法處
不能深切殆是無一篇可讀一聯可采如樂天甲
乙判則讀之愈多使人不厭也

跋文與可丹淵集

今人但能知文與可之竹石惟東坡公知其詩騷
又表出美人却扇坐羞落庭下花之句子嘗恨不

見其全比得蜀本石室先生丹淵集蓋其遺文也
於樂府雜詠有秦王卷衣篇曰咸陽秦王家宮闕
明曉霞丹文映碧鏤光彩相鈎加銅螭逐銀猊壓
屋驚蟠拏洞戶瑣日月其中光景賒春風動珠箔
鸞額金窠斜美人却扇坐羞落庭下花閒弄玉指
環輕冰抱紅牙君王顧之笑爲駐七寶車自卷金
鏤衣龍鸞蔚紛葩持以贈所愛結歡其無涯其語
意深入騷人間域又有王昭君三絕句云絕艷生
容齋題跋

卷之一
三十三

汲古閣

殊域芳年入內庭誰知金屋寵只是信丹青幾歲
後宮塵今朝絕國春君王重恩信不欲遣他人極
目胡塵滿傷心漢月圓一生埋沒恨長入四條絃
令人讀之縹縹然感慨無已也

容齋題跋卷之二

跋歐陽率更帖

臨川石刻雜法帖一卷載歐陽率更一帖云年二十餘至鄱陽地沃土平飲食豐賤衆士往往湊聚每日賞華恣口所須其二張才華議論一時俊傑般辭二侯故不可言戴君國士出言便是月旦蕭中郎頗縱放誕亦有雅致彭君摘藻特有自然至如閣山神詩先輩亦不能加此數子遂無一在殊容齋題跋

卷之二

汲古閣

使痛心茲蓋吾鄉故實也

跋蔡君謨帖

蔡君謨一帖云襄簪之爲諫臣與今之爲詞臣一也爲諫臣有言責世人自見疎今無是焉世人見親襄之於人未始異之而人之觀故有以異也觀此帖乃知簪時居臺諫者爲人所疎如此今則反是方爲此官時其門揮汗成雨一徙他局可張爵羅風俗媮薄甚矣又有送荔枝與昭文相公一帖

云襄再拜宿來伏惟台候起居萬福閩中荔枝唯
陳家紫號爲第一輒獻左右以伸野芹之誠幸賜
收納謹奉手狀上聞不宣襄上昭文相公閣下是
時侍從與宰相往還其禮蓋如是今之不情苛禮
吁可厭哉

跋蔡君謨帖語

韓獻肅公守成都時蔡君謨與之書曰襄啓歲行
甫新魯鈍之資日益衰老雖勉就職務其於精力
容齋題跋

卷之二

汲古閣

不堪勞苦念君之生相距旬日如聞年來補治有
方當愈彊健果如何哉襄於京居尚畱少時佇君
還軫伸眉一笑傾懷之極今因樊都官西行奉書
問動靜不一一襄上子華端明閣下此帖語簡而
情厚初無寒溫之問寢食之祝講德之佞也今風
俗日以媮薄士大夫之猥浮者於尺牘之間益出
新巧習貫自然雖有先達篤實之賢亦不敢自拔
以速朝罵每詒書多至十數紙必繫銜相與之際

悉忘其真言語不情誠意掃地相呼不以字而云某丈僭紊官稱無復差等觀此其少愧乎噫二紀之前予在館中見曾監吉甫與人書獨不作劄子且以字呼同舍同舍因相約云曾公前輩可尊是宜曰丈餘人自今各以字行其過誤者罰一直行之幾月從官郎省欣然皆欲一變而有欲敗此議者載酒飲同舍乞仍舊於是從約皆解遂不可復革可爲一歎

容齋題跋

卷之二

汲古閣

蔡君謨書碑

歐陽公作蔡君謨墓誌云公工於書畫頗自惜不妄與人書仁宗尤愛稱之御製元舅隴西王碑文詔公書之其後命學士撰溫成皇后碑文又敕公書則辭不肯曰此待詔職也國史傳所載蓋用其語比見蔡與歐陽一帖云彘者得侍陛下清光時有天旨令寫御撰碑文宮寺題榜至有勲德之家于請朝廷出敕令書襄謂近世書寫碑誌則有資

利若朝廷之命則有司存焉待詔其職也今與待詔爭利其可乎力辭乃已蓋辭其可辭其不可辭者不辭也然後蔡公之旨意如此雖勳德之家請於朝出敕令書者亦辭之不止一温成碑而已其清介有守後世或未知之故載於此

顏魯公帖

顏魯公忠義氣節史策略盡偶閱臨汝石刻見一帖云政可守志不可不守吾去歲中言事得罪又

容齋題跋

卷之二
四

汲古閣

不能逆道苟時爲千古罪人也雖貶居遠方終身不恥汝曹當須謂吾之志不可不守也此是獨赴謫地而與其子孫者無由考其歲月千載之下使人讀之尚可畏而仰也

趙德甫金石錄

東武趙明誠德甫清獻丞相中子也著金石錄三十篇上自三代下訖五季鼎鍾甌鬲槃匱尊爵之款識豐碑大碣顯人晦士之事蹟見于石刻者皆

是正僞謬去取褒貶凡爲卷二千其妻易安李居士平生與之同好趙沒後愍悼舊物之不存乃作後序極道遭罹變故本末今龍舒郡庫刻其書而此序不見取比獲見元藁於王順伯因爲撮述大槩云余以建中辛巳歸趙氏時丞相作吏部侍郎家素貧儉德甫在太學每朔望謁告出質衣取半千錢步入相國寺帝碑文果實歸相對展玩咀嚼後二年從宦便有窮盡天下古文奇字之志傳寫

容齋題跋

卷之二
五

汲古閣

未見書買名人書畫古奇器有持徐熙牡丹圖求錢二十萬畱信宿計無所得捲還之夫婦相向惋悵者一曰及連守兩郡竭俸入以事鈔槩每獲一

書卽日勘校裝緝得名畫彝器亦摩玩舒卷指摘疵病盡一燭爲率故紙扎精緻字畫全整冠於諸家每飯罷坐歸來堂烹茶指堆積書史言某事在某書某卷第幾葉第幾行以中否勝負爲飲茶先後中則舉否大笑或至茶覆懷中不得飲而起凡

書史百家字不列缺本不誤者輒市之儲作副本
靖康丙午德甫守淄川聞虜犯京師盈箱溢篋戀
戀悵悵知其必不爲已物建炎丁未奔太夫人喪
南來旣長物不能盡載乃先去書之印本重大者
畫之多幅者器之無欸識者已又去書之監本者
畫之平常者器之重大者所載尚十五車連艦渡
淮江其青州故第所鎖十間屋期以明年具舟載
之凡化爲煨燼已酉歲六月德甫駐家池陽獨赴
容齋題跋

卷之二
六

汲古閣

行都自岸上望舟中告別予意甚惡呼曰如傳聞
城中緩急奈何遙應曰從衆必不得已先棄輜重
次衣衾次書冊次卷軸次古器獨宋器者可自負
抱與身俱存亡勿忘之徑馳馬去秋八月德甫以
病不起時六宮往江西予遣二吏部所存書一萬
卷金石刻二千卷先往洪州至冬虜陷洪遂盡委
棄所謂連艦渡江者又散爲雲烟矣獨餘輕小卷
軸寫本李杜韓柳集世說鹽鐵論石刻數十副軸

鼎彝十數及南唐書數篋偶在臥內歸然獨存上
江旣不可往乃之台温之衢之越之杭寄物於岷
縣庚戌春官軍收叛卒悉取去入故李將軍家歸
然者十失五六猶有五七篋挈家寓越城一夕爲
盜穴壁負五篋去盡爲吳說運使賤價得之僅存
不成部帙殘書策數種忽閱此書如見故人因憶
德甫在東萊靜治堂裝褫初就芸籤縹帶束十卷
作一帙日授二卷跋一卷此二千卷有題跋者五
容齋題跋

卷之二
七

汲古閣

百二卷耳今手澤如新墓本已拱乃知有有必有
無有聚必有散亦理之常亦胡足道所以區區記
其終始者亦欲爲後世好古博雅者之戒云時紹
興四年也易安年五十二矣自敘如此予讀其文
而悲之爲識於是書

跋黃魯直詩

徐陵鴛鴦賦云山雞映水那相得孤鸞照鏡不成
雙天下真成長會合無勝比翼兩鴛鴦黃魯直題

畫睡鴨曰山雞照影空自愛孤鸞舞鏡不作雙天
下真成長會合兩鳧相倚睡秋江全用徐語點化
之末句尤精工又有黔南十絕盡取白樂天語其
七篇全用之其三篇頗有改易處樂天寄行簡詩
凡八韻後四韻云相去六千里地絕天邈然十書
九不達何以開憂顏渴人多夢飲飢人多夢餐春
來夢何處合眼到東川魯直翦爲兩首其一云相
望六千里天地隔江山十書九不到何用一開顏
容齋題跋

卷之二

汲古閣

其二云病人多夢醫囚人多夢赦如何春來夢合
眼在鄉社樂天歲晚詩七韻首句云霜降水返壑
風落木歸山冉冉歲將晏物皆復本源魯直改後
兩句七字作冉冉歲華晚昆蟲皆閉關

跋白樂天詩

世言白樂天侍兒唯小蠻樊素二人予讀集中小
庭亦有月一篇云菱角執笙簧谷兒抹琵琶紅綃
信手舞紫綃隨意歌自註云菱谷紫紅皆小臧獲

名若然則紅紫二綃亦女奴也

又

東坡志林云白樂天嘗爲王涯所纒貶江州司馬
甘露之禍樂天有詩云當君白首同歸日是我青
山獨往時不知者以樂天爲幸之樂天豈幸人之
禍者哉蓋悲之也予讀白集有詠史一篇註云九
年十一月作其詞曰秦磨利刃斬李斯齊燒沸鼎
烹酈其可憐黃綺入商洛閒臥白雲歌紫芝彼爲
容齋題跋

卷之二
九

汲古閣

菹醢机上盡此作鸞鳳天外飛去者逍遙來者死
乃知禍福非天爲正爲甘露事而作其悲之之意
可見矣

跋歐陽公牡丹釋名

歐陽公牡丹釋名云牡丹初不載文字唐人如沈
宋元白之流皆善詠花當時有一花之異者彼必
形於篇什而寂無傳焉惟劉夢得有詠魚朝恩宅
牡丹詩但云一葉千朶而已亦不云其美且異也

予按白公集有白牡丹一篇十四韻又秦中吟十
篇內買花一章凡百言云共道牡丹時相隨買花
去一叢深色花十戶中人賦而諷諭樂府有牡丹
芳一篇三百四十七字絕道花之妖艷至有遂使
王公與卿士游花冠蓋日相望花開花落二十日
一城之人皆若狂之語又寄微之百韻詩云唐昌
玉蕊會崇敬牡丹期注崇敬寺牡丹花多與微之
有期又惜牡丹詩云明朝風起應吹盡夜惜衰紅
把火看醉歸盤屋詩云數日非關王事繫牡丹花
盡始歸來元微之有入永壽寺看牡丹詩八韻和
樂天秋題牡丹叢三韻酬胡三詠牡丹一絕又有
五言二絕句許渾亦有詩云近來無奈牡丹何數
十千錢買一窠徐凝云三條九陌花時節萬馬千
車看牡丹又云何人不愛牡丹花占斷城中好物
華然則元白未嘗無詩唐人未嘗不重此花也

容齋題跋

卷之二

汲古閣

韋蘇州集中有逢揚開府詩云少事武皇帝無賴
恃恩私身作里中橫家藏亡命兒朝持檇蒲局暮
竊東隣姬司隸不敢捕立在白玉墀驪山風雪夜
長楊羽獵時一字都不識飲酒肆頑癡武皇升僊
去憔悴被人欺讀書事已晚把筆學題詩兩府始
收跡南宮謬見推非才果不容出守撫俾發忽逢
楊開府論舊涕俱垂味此詩蓋應物自敘其少年
事也其不羈乃如此李肇國史補云應物爲性高
容齋題跋

卷之二
十一

汲古閣

潔鮮食寡欲所居焚香掃地而坐其爲詩馳驟建
安已還各得風韻蓋記其折節後來也唐史失其
事不爲立傳高適亦少落魄年五十始爲詩卽工
皆天分超卓不可以常理論云應物爲三衛正天
寶間所爲如是而吏不敢捕又以見時政矣

跋李頎詩

歐陽公好稱頌唐嚴維詩柳塘春水漫花塢夕陽
遲及楊衡竹徑通幽處禪房花木深之句以爲不

可及余絕喜李頎詩云遠客坐長夜雨聲孤寺秋
請量東海水看取淺深愁且作客涉遠適當窮秋
算投孤村古寺中夜不能寐起坐淒惻而聞簷外
雨中其爲一時襟抱不言可知而此兩句十字中
盡其意態海水喻愁非過語也

跋杜甫詩

劉夢得云詩中用茱萸字者凡三人杜甫云醉把
茱萸仔細看王維云插遍茱萸少一人朱放云學

容齋題跋

卷之二
十二

汲古閣

他年少插茱萸三君所用杜公爲優予觀唐人七
言用此者又十餘家漫錄於後王昌齡茱萸插鬢
花空壽戴叔倫插鬢茱萸來未盡盧綸茱萸一朵
映華簪權德輿酒泛茱萸晚易曛白居易舞鬟擺
落茱萸房茱萸色淺未經霜楊衡強插茱萸隨衆
人張諤茱萸凡作幾年新耿滄髮希那敢插茱萸
劉商郵筒不解獻茱萸崔櫓茱萸冷吹溪口香周
賀茱萸城裏一尊前比之杜句真不侔矣

跋張祐詩

唐開元天寶之盛見於傳記歌詩多矣而張祐所
詠尤多皆他詩人所未嘗及者如正月十五夜燈
云千門開鎖萬燈明正月中旬動帝京三百內人
連袖舞一時天上著詞聲上巳樂云猩猩血染繫
頭標天上齊聲舉畫橈却是內人爭意切六宮紅
袖一時招春鶯囀云興慶池南柳未開太真先把
一枝梅內人已唱春鶯囀花下傚傚軟舞來又有
容齋題跋

卷之二
十三

汲古閣

大酺樂邠王小管李謨笛寧哥來邠娘羯鼓退宮
人耍娘歌悖拏兒舞阿鵲湯雨零鈴香囊子等詩
皆可補開天遺事茲之樂府也

跋李益盧綸詩

李益盧綸皆唐大曆十才子之傑者綸於益爲內
兄嘗秋夜同宿益贈綸詩曰世故中年別餘生此
會同却將悲與病獨對朗陵翁綸和曰戚戚一西
東十年今始同可憐風雨夜相對兩衰翁二詩雖

絕句讀之使人悽然皆奇作也

跋玉蘂杜鵑

物以希見爲珍不必異種也長安唐昌觀玉蘂乃
今場花又名米囊黃魯直易爲山礬者潤州鶴林
寺杜鵑乃今映山紅又名紅躑躅者二花在江東
彌山亘野殆與榛莽相似而唐昌所產至於神女
下游折花而去以踐玉峰之期鶴林之花至以爲
外國僧鉢孟中所移上玄命三女下司之已踰百
容齋題跋

卷之二
十四

汲古閣

年終歸閨苑是不特土俗罕見雖神僊亦不識也
王建宮詞云太儀前日暖房來囑向昭陽乞藥裁
敕賜一窠紅躑躅謝恩未了奏花開其重如此蓋
宮禁中亦鮮云

跋徐凝詩

徐凝以瀑布界破青山之句東坡指爲惡詩故不
爲詩人所稱說予家有凝集觀其餘篇亦自有佳
處今漫紀數絕於此漢宮曲云水色簾前流玉霜

趙家飛燕侍昭陽掌中舞罷簫聲絕三十六宮秋
夜長憶揚州云蕭娘臉下難勝淚桃葉眉頭易得
愁天下三分明月夜二分無賴是揚州相思林云
遠客遠遊新過嶺每逢芳樹問芳名長林遍是相
思樹爭遣愁人獨自行翫花云一樹梨花春向暮
雪枝殘處怨風來明朝漸瘦無多去看到黃昏不
欲回將歸江外辭韓侍郎云一生所遇唯元白天
下無人重布衣欲別朱門淚先盡白頭遊子白身
容齋題跋

卷之二
十五

汲古閣

歸皆有情致空其見知於微之樂天也但俗子妄
作樂天詩繆爲賞激以起東坡之誚耳

跋梅花詩

今人梅花詩詞多用參橫字蓋出楞子厚龍城錄
所載趙師雄事然此實妄書或以爲劉無言所作
也其語云東方已白月落參橫且以冬半視之黃
昏時參已見至丁夜則西沒矣安得將旦而橫乎
秦少游詩月落參橫畫角哀暗香消盡令人老承

此誤也唯東坡云紛紛初疑月挂樹耿耿獨與參
橫昏乃爲精當老杜有城擁朝來客天橫醉後參
之句以全篇攷之蓋初秋所作也

跋司空表聖詩

東坡稱司空表聖詩文高雅有承平之遺風蓋嘗
有列其詩之有得於文字之表者二十四韻恨當
時不識其妙又云表聖論其詩以爲得味外味如
綠樹連村暗黃花入麥稀此句最善又棋聲花院
容齋題跋

卷之二
十六

汲古閣

閉幡影石壇高吾嘗獨入白鶴觀松陰滿地不見
一人惟聞棋聲然後知此句之工但恨其寒儉有
僧態予讀表聖一鳴集有與李生論詩一書乃正
坡公所言者其餘五言句云人家寒食月花影午
時天雨微吟足思花落夢無悽坡暖冬生笋松涼
夏健人川明虹照雨樹密鳥衝人夜短猿悲減風
和鵲喜靈馬色經寒慘鷓聲帶晚飢客來當意慙
花發遇歌成七言句云孤嶼池痕春漲滿小欄花

韻午晴初五更惆悵迴孤枕白自殘燈照落花皆可稱也

跋黃魯直詩

黃魯直宿舒州太湖觀音院詩云汲烹寒泉窟伐燭古松根相戒莫浪出月黑虎夔藩夔字甚新意蓋言抵觸之義而莫究所出惟杜工部課伐木詩序云課隸人入谷斬陰木晨征暮返我有藩籬是闕是補旅次於小安山有虎知禁若恃爪牙之

容齋題跋

卷之二
十七

汲古閣

利必昏黑控突夔人屋壁列樹白桃饅焉墻實以竹示式過爲與虎近混淪乎無良賓客其詩句有云藉汝跨小籬乳獸待人肉虎穴連里閭久客懼所觸乃知魯直用此序中語然杜公在夔府所作詩所謂夔人者述其土俗耳本無抵觸之義魯直蓋誤用之又寺齋睡起絕句云人言九事八爲律儻有江船吾欲東按主父偃傳上書言九事其八事爲律令一事諫伐匈奴謂八事爲律令而言則

爲字當作去聲讀今魯直似以爲平聲恐亦誤也
跋俞似詩

英州之北三十里有金山寺予嘗至其處見法堂
後壁題兩絕句僧云廣州鈐轄俞似之妻趙夫人
所書詩句洒落不凡而字畫徑四寸道健類辭稷
極可喜數年後又過之僧空無人壁亦墮圯猶能
追憶其語爲紀於此其一云莫遣鞬鷹飽一呼將
軍誰志滅匈奴年來萬事灰人意只有看山眼不
容齋題跋

卷之二
十八

汲古閣

枯其二云轉食膠膠擾擾間林泉高步未容攀興
來尚有平生履管領東南到處山蓋似所作也
跋吳激小詞

先公在燕山赴北人張總侍御家集出侍兒佐酒
中有一人意狀摧抑可憐叩其故乃宣和殿小宮
姬也坐客翰林直學士吳激賦長短句紀之聞者
揮涕其詞曰南朝千古傷心地還唱後庭花舊時
王謝堂前燕子飛向誰家恍然相遇仙姿勝雪宮

髻堆鴉江州司馬青衫溼淚同是天涯激字彥高
米元章壻也

跋東坡詩

韋應物在滁州以酒寄全椒山中道士作詩曰今
朝郡齋冷忽念山中客澗底束荆薪歸來煮白石
欲持一樽酒遠慰風雨夕落葉滿空山何處尋行
迹其爲高妙超詣固不容夸說而結尾兩句非復
語言思索可到東坡在惠州依其韻作詩寄羅浮

容齋題跋

卷之二
十九

汲古閣

鄧道士曰一杯羅浮春遠餉采薇客遙知獨酌罷
醉臥松下石幽人不可見清嘯聞月夕聊戲菴中
人空飛本無迹劉夢得山圍故國周遭在潮打空
城寂寞回之句白樂天以爲後之詩人無復措詞
坡公倣之曰山圍故國空城在潮打西陵意未平
坡公天才出語驚世如追和陶詩真與之齊驅獨
此二者比之韋劉爲不侔豈非絕唱寡和理自應

爾邪

跋李陵詩

文選編李陵蘇武詩凡七篇人多疑俯觀江漢流
之語以爲蘇武在長安所作何爲乃及江漢東坡
云皆後人所擬也予觀李詩云獨有盈觴酒與子
結綢繆盈字正惠帝諱漢法觸諱者有罪不應陵
敢用之益知坡公之言爲可信也

跋張文潛詩

溪迴松風長蒼鼠窺古瓦不知何王殿遺締絕壁

容齋題跋

卷之二
二十

汲古閣

下陰房鬼火青壤道哀湍瀉萬籟真笙竽秋色正
蕭灑美人爲黃土況乃粉黛假當時侍金輿故物
獨石馬憂來藉草坐浩歌淚盈把冉冉征途間誰
是長年者此老杜玉華宮詩也張文潛算年在宛
丘何大圭方弱冠往謁之凡三日見其吟哦此詩
不絕口大圭請其故曰此章乃風雅鼓吹未易爲
子言大圭曰先生所賦何必減此曰平生極力摹
寫僅有一篇稍似之然未可同日語遂誦其離黃

州詩偶同此韻曰扁舟發孤城揮手謝送者山回
地執卷天豁江面瀉中流望赤壁石脚挿水下昏
昏煙霧嶺歷歷漁樵舍居夷十三載隣里通假借
別之豈無情老淚爲一灑篙工起鳴鼓輕櫓健於
馬聊爲過江宿寂寂樊山夜此其音響節奏固似
之矣讀之可默論也又好誦東坡梨花絕句所謂
梨花淡白柳深青柳絮飛時花滿城惆悵東欄一
株雪人生看得幾清明者每吟一過必擊節賞歎
容齋題跋

卷之二
二十一

汲古閣

不能已文潛蓋有省於此云

題跋似屬小品非具翻海才射雕手莫敢道

隻字自坡仙涪翁聯鑣樹幟一時無不效顰

鄱陽洪容壘升蘇黃之堂而躋其裁者也恨

未見其全集已卯秋從長千里獲其題跋二

卷尾有鞞庵吳氏印記較之隨筆所載互有

異同予珍之不異木難遂与六一居士集古

錄並付梓人嘗憶數年前眉公与予論題跋

一派惟宋人當家惜未有拈出示人者予因
援容叅自序云寬閑寂寞之濱窮勝樂時之
暇時時捉筆据几隨所趣而志之雖無甚奇
論然意到即就亦殊自喜此獨非拈出示人
者耶眉公點頭撫掌曰襪村今萃于子矣海
隅毛晉識

容齋題跋

卷之二
二十二

汲古閣

海岳題跋

目錄

卷之一

跋殷令名帖

跋顏平原帖

跋烟巒晚景卷

跋自畫雲山圖

跋晉太保謝安石帖後

海岳題跋

目錄

汲古閣

跋歐率更史事帖後

跋快雪時晴帖

附

寶章待訪錄

目睹

晉右軍王羲之書雪晴帖

陳僧智永真草書歸田賦

唐率更令歐陽詢書衛靈公天寒鑿池帖

唐彭王傅徐浩書張九齡司徒告

唐中書令褚遂良枯木賦

唐太師顏真卿書送辛子序

陳僧智永千文

又

智永千文半卷

王右軍蘭亭燕集序

唐太師顏真卿乞米帖

海岳題跋

目錄

汲古閣

唐率府長史張旭四帖

王右軍來戲帖

韓擇木八分

唐太師顏魯公書名兩字

唐辯才弟子草書千文

唐虞世南枕臥帖

唐祕書少監虞世南積時帖

唐僧高閒草書千文

唐禮部尚書沈傳師書道林詩

唐太子率更令歐陽詢書荀氏漢書節

唐歐陽詢書道林之寺碑

羲之千文

顏魯公頓首夫人

孫過庭草書千文

懷素詩一首

張長史虎兒等三帖

海岳題跋

目錄

汲古閣

晉武帝王渾王戎王衍郝愔陸統桓溫陸

雲謝安謝萬等十四帖

晉謝奕謝安桓溫三帖

黃素黃庭經

顏魯公郭定襄爭坐位第一帖

晉王右軍稚恭進鎮帖

晉王羲之官奴帖

唐張右史季明賀八清鑑等帖

懷素千文

懷素書任華草書歌

李邕多熱要葛粉帖

懷素草書祝融高座帖

陳賢草書帖

顏真卿祭叔濠州使君文

顏真卿疎拙帖

懷素三帖

海岳題跋

目錄

懷素自序

庾翼帖全幅上有寶篆審定印

張芝王翼二帖非真

虞世南汝南公主墓誌

歐陽詢碧笈四帖草聖

顏真卿與李大夫奏事張澈二帖

懷素草書三幅楊凝式書三帖

皇象急就唐撫奇絕

汲古閣

王右軍相温破羌帖

王獻之送梨帖

李邕四帖

王右軍筆陣圖

王右軍紙妙筆精帖

的聞

唐僧懷素自序

洪元奭集右軍越州兩碑

海岳題跋

目錄

汲古閣

褚遂良書黃庭經

王右軍書家譜

虞世南書經

晉中書令王獻之已復此節帖

虞世南書汝南公主銘起草

歐陽詢四帖

顏魯公書韻海

柳公權書柳尊師墓誌

張長史千文三帖

歐陽詢鄙陽帖

褚遂良臨王右軍二帖

老子西昇經褚遂良書閣立本畫

晉王暉真草帖

晉張翼帖

宋阮研帖

宋蕭思話表文帝批答

海岳題跋

目錄
六

汲古閣

顏真卿寒食帖

王右軍玉潤帖

蘭亭撫本

褚遂良奉書寧帖

晉葛玄飛白天台字

唐東宮長史陸柬之書十八學士贊

唐高閒書令狐楚書

歐陽詢二帖

懷素書蕭常侍日下三帖

宋羊欣宋翼二帖并褚令摹蘭亭

柳公權紫綵鞞蘭亭詩二帖

張長史全本千文

顏魯公帖一軸五幅

海岳題跋

目錄
七

汲古閣

海岳題跋卷之一

宋 襄陽米芾撰

明 海虞毛晉訂

跋殷令名帖

右唐殷令名書頭陀寺碑齊王簡棲所撰錄于文選令名之子仲容官禮部郎據法書要錄云仲容奕世工書精妙曠古今名嘗書濟度寺額後代程式父開山也武德中爲尚書故闕山字而李氏諱

海岳題跋

卷之一

汲古閣

不及淳日照基誦者正在真觀永徽間跋尾書惟則者集賢待制史惟則小印滉字卽唐相晉國忠獻韓公所寶書也元祐戊辰集賢林舍人招爲茗書之遊九月二日道吳門以王維畫古帝王易得龍圖閣待制俞獻可字昌言之孫翌日與口口萬藻字季忱檢閱審定五日吳江艤舟垂虹亭題

跋顏平原帖

顏真卿學褚遂良旣成自以挑踢名家作用太多

無平淡天成之趣此帖尤多褚法石刻醴泉尉時
及麻姑山記皆褚法也此特貴其真跡爾非爭坐
帖比大抵顏柳挑踢爲後世醜怪惡札之祖從此
古法蕩無遺矣安氏鹿肉乾脯帖蘇氏馬病帖渾
厚淳古無挑踢是刑部尚書時合作意氣得紙札
精謂之合作此筆氣鬱結不條暢逆旅所書李大
夫者名光顏唐功臣也

跋烟巒晚景卷

海岳題跋

卷之一

汲古閣

管兄嘗赴吳江宰同寮語曰陳叔達善作烟巒雲
巖之意吾子友仁亦能奪其善昨晚出局伯過新
家出近景烟雲之狀友仁得其意耳襄陽老人漫
題

跋自畫雲山圖

紹興乙卯初夏十九日自溧陽來遊苕川忽見此
卷於李振叔家實余兒戲得意作也世人知余喜
畫競欲得之尠有曉余所以爲畫者非具頂門上

慧眼者不足以識不可以古今畫家者流畫求之老境於世海中一髮毛事泊然無著染每靜室僧跌忘懷萬慮與碧虛寥廓同其流蕩焚生事折腰爲米大非得已振叔此卷慎勿以與人也

跋晉太保謝安石帖後

右晉太傅南郡公謝安字安石書六十五字四角開元小璽御府書也永存珍祕印入唐相王涯家翰林之印建中御府所用更兵火水土之劫者八

海岳題跋

卷之一

汲古閣

百年歷代得以保之必有神護元祐中見晉十三帖於太師李瑋家太宗皇帝借其藏書摸閣帖但取郝愔兩行餘王戎陸雲晉武帝王衍及此謝帖謝萬帖共十二帖皆不取摹版余特愛此帖欲博以奇玩議十年不成元符中歸翰長蔡公建中靖國二月十日以余篤好見歸余年辛卯今太歲辛巳大小運丙申丙辰於辛卯月辛丑日余生辛丑丙申時獲之此非天耶

跋歐率更史事帖後

右唐弘文館學士兼太子率更令渤海縣開國男
歐陽詢字信長書度尚帖余元豐官長沙獲于魏
泰庾亮帖壬戌歲過山陽獲于鍾離景伯各著半
古印適合縫文曰清河圖籍之印乃管一書也究
延年之化豈不有神叅孔壁之遺孰云致誤元祐
庚午冬至蕭閑外舍裝贊曰渤海光怪字亦險絕
真到內史行自爲法莊若對越俊若跳擲後學莫
海岳題跋

卷之一
四

汲古閣

窺遂起厄劣

跋快雪時晴帖

右軍此帖見張彥遠法書要錄本朝參知政事蘇
公太簡家故物唐賜魏丞相徵故有鄭公之後印
又傳于褚遂良故有褚印蘇才翁子美有跋及國
老押署一日駙馬都尉王晉卿借觀求之不與已
乃翦去國老署及子美跋著於摹本乃見還因詳
錄得之自

附

寶章待訪錄

漢河間憲王購書必錄古簡梁武元隋唐文帝金題玉躔錦質繡章破紙斷麻取而華國天寶以後或進書得官亦知上篤好本朝太宗混一僞邦國書皆聚然士民之間尚或藏者既非寶鑑皆以世傳聞見浸多懼久廢忘因作寶章待訪錄以俟訪圖書使焉元祐丙

海岳題跋

卷之一
五

汲古閣

寅八月九日

目睹

晉右軍王羲之書雪晴帖

右真蹟在承務郎吳郡蘇澈處集賢校理舜欽子也帖尾有古跋君倩字及褚氏字印

陳僧智永真草書歸田賦

右真蹟在襄陽魏泰處故南昌人裝題曰虞世南白麻紙有古跋曰開成五年白馬寺臨一過潭記

某官潭遊湖外攜行賞跋累日

唐率更令歐陽詢書衛靈公天寒鑿池帖

右真蹟麻紙在魏泰處

唐彭王傅徐浩書張九齡司徒告

右真蹟用一尺高絹書多渴筆詞云正大厦者柱石之力匡帝業者輔相之功生則保其雄名沒猶稱其盛德今在其孫曲江人嶺南縣令張仲容處某官於桂林借留半月仍以覆裹欲爲重背仲惜海岳題跋

卷之一
六

汲古閣

其印縫古紙不許九齡神道碑亦浩書

唐中書令褚遂良枯木賦

右唐粉蠟紙搨書也在承議郎合肥魏倫處收以爲真蹟魏氏刻石某官杭過潤借觀於甘露寺

唐太師顏真卿書送辛子序

右真蹟楮紙書在寶文閣學士謝景温處前後爲好事者以筆描二大印其文亂仍書鉉字其中不合縫鑿非鉉筆甚累墨寶某佐寶文于潭屢經賞

閱

陳僧智永千文

右唐粉蠟紙搨書有古跋云契濶艱難不敢失墜
信好事也在前國子監直講楊裒處得於外舅王
安國某元豐五年過金陵見之內二真字雙鈞填
者然人猶未信爲搨焉

陳僧智永千文

右楮紙書唐人臨寫在宣德郎陳升處恭公姪作

海岳題跋

卷之一
七

汲古閣

梵夾冊雖非真蹟秀潤圓活逼真今已罕得某嘗

三閱

智永千文半卷

右黃麻紙唐人臨書在刑部尚書丹陽蘇頌處

王右軍蘭亭燕集序

右唐粉蠟紙雙鈞摹本在蘇澈處精神筆力毫髮
畢備下真蹟一等此幾馮承素輩搨賜大臣者舜
欽父集賢校理耆購於蜀僧元靄某與澈友善每

過公必一出遂親爲背飾

唐太師顏真卿乞米帖

右真蹟楮紙在朝請郎蘇澥處度支郎中舜元子也得於關中安氏士人多有臨搨本此卷古玉軸縫有舜元字印范仲淹而下題跋某嘗十餘閱

唐率府長史張旭四帖

右真蹟在杭州陸氏大姓也舊有五帖第一秋深第二前發第三汝官第四昨日第五承須今所存

海岳題跋

卷之一

汲古閣

四帖汝官後有一古印文記不可辨昨日承須二

帖襞紙也陸氏子素從奉議郎關景仁學關因借

撫三大帖余少見石本于鎮戎軍及冠官桂林朝

奉大夫關杞爲使者語及始知石在關氏二十五

官潭杞通判邠州以石本見寄二十五官杭而景

仁爲錢塘令陸氏子登進士第者來謁與關謝而

閱之旣見真蹟獨深秋一帖詰之良久顰蹙而言

嘉祐中太守沈文通借觀拆留不還自此不復借

出因亦不復借閱遣工撫得之卽歸詰邁弟邀時
爲郡從事乃言在其姪延嗣處後復得閱今歸余
家

王右軍來戲帖

右麻紙六朝人所臨寫旁注小真字數枚復以雌
黃覆之在蘇州故相丁謂孫景處後以一萬質于
鄆州梁子志處故相梁適孫也又有唐雙鉤撫帖
亦在丁景處某皆有題跋

海岳題跋

卷之一
九

汲古閣

韓擇木八分

右真蹟楮紙在丁景處第二行書官位以大字改
爲中字

唐太師顏魯公書名兩字

右真蹟書嶺南刺史綾告在朝奉郎臨江許彥先
處

唐辯才弟子草書千文

右黃麻書在龍圖閣直學士吳郡滕元發處滕以

爲智永書某閱其前空兩才字全不書固以疑之
後復空永字遂定爲辯才弟子所書故特闕其祖
祖二名耳

唐虞世南枕臥帖

右雙鈎唐摹本在朝奉大夫錢塘關杞處上有儲
氏圖書古印關嘗謂某曰管越州一寺修佛殿于
梁棟內龕藏一函古撫數十本所可記者王右軍
十七帖世南枕臥帖十鬪九帖褚遂良奉書寧帖
海岳題跋

卷之一
十

汲古閣

上皆有儲氏圖書字印致功精絕毫髮乾濃畢備
關與僧善購得枕臥十鬪九書寧三帖

唐祕書少監虞世南積時帖

右古雙鈎摹本在承議郎洛陽李熙處翰林學士
維之孫亦縫有儲氏印某借撫石

唐僧高閑草書千文

右楮紙真蹟在承議郎李熙處

唐禮部尚書沈傳師書道林詩

右在潭州道林寺四絕堂以杉版薄略布粉不蓋
紋故歲久不脫裴休書杜甫詩只存一甫字某嘗
爲杜版行以紀其事沈碑某官潭借畱書齋半歲
搨得其石本爲撫石僧希白務于勁快多改落筆
端直無復縹緲縈回飛動之勢

唐太子率更令歐陽詢書荀氏漢書節

右楮冊小楷在潭州南楚門胡氏淳處

唐歐陽詢書道林之寺碑

海岳題跋

卷之一
十一

汲古閣

右在潭州道林寺筆力險勁勾勒而成有刻版本
又江南廬山多裴休題寺塔諸額雖乏筆力皆種
種可愛

羲之千文

右楮紙書字筆力圓熟在宣州觀察支使王詵處
故相珪之姪謬題賀知章書四字于韻字下非也

顏魯公頓首夫人

右真蹟楮紙破爛過半在駙馬都尉王晉卿家

孫過庭草書千文

右真蹟黃麻紙書縫有梁秀收閱字印王氏圖書四字隨圈四轉其異製也在如上

懷素詩一首

右真蹟絹書在王晉卿第

張長史虎兒等三帖

右真蹟同上

晉武帝王渾王戎王衍郝愔陸統桓溫陸雲

海岳題跋

卷之一
十二

汲古閣

謝安謝萬等十四帖

右真蹟在駙馬都尉李公炤第武帝王戎書字有篆籀氣象奇古墨色如漆紙皆磨破滅有開元二字小印太平公主胡書印美哉不可得而加矣世之奇書也王涯永存珍祕印殷浩之印梁秀收閱古書記字內郝愔一帖卽閣本法帖所錄者晉使王著取溥家書與閣下書雜摹摹此卷中獨取愔兩行餘在所棄哀哉謝安慰問帖字清古在二王

之上宜乎批子敬帖尾也

晉謝奕謝安桓溫三帖

右真蹟麻紙書在李公炤家上有鍾紹京書印竇蒙審定字印印謝安一帖爲後人恐墨淡復用深墨填過使人惋怛與前卷竝有絹帖書爵號自爲名筆

黃素黃庭經

右同上字札古無褚薛體殆六朝人所作縫有鍾

海岳題跋

卷之一
十三

汲古閣

紹京印後有陶穀漢時跋云此換鶯經也甲戌九月十一日百計取得此書詳觀誠無唐盛時是鉅鋒筆行書雖恐非右軍誠爾界行有鍾紹京書印二字小印卷末真寫胎僊二字用陳氏圖書印印之又有錢氏忠孝之家印紙跋云山陰道士劉君以羣鶯獻右軍乞書黃庭經此是也逸少真書此經與樂毅論太史箴告誓文累表也蘭亭洛神賦皆行書其他竝草書也草十行敵行書一字行書

十行敵真書一字耳又續題云此乃明州刺史李振景福中罷任過浚郊遺光祿朱卿朱卿名友文卽梁祖之子後封博王王薨予獲於舊邸時貞明庚辰秋也晉都梁苑因重背之中書舍人陶穀記是日降麻以京兆安彥威兼副都統米某跋云印小字乃唐越公鍾紹京印也此書在李太師第固是甲觀

顏魯公郭定襄爭坐位第一帖

海岳題跋

卷之一
十四

汲古閣

右楮紙真蹟用先豐縣先天廣德中牒起草秃筆字字意相連屬飛動詭形異狀得於意外也世之顏行第一書也縫有顏氏守一圖書字印在宣敎郎安師文處長安大姓也爲解鹽池勾當官攜入京欲背予得見之安自云季明文鹿脯帖在其家

晉王右軍稚恭進鎮帖

右麻紙書蹟後有太常卿蕭祐題跋在前著作郎王仲修處

晉王羲之官奴帖

右雙鈎麻紙本亦在王仲修處

唐張右史季明賀八清鑑等帖

右楮紙真蹟筆法勁古不類他書世間季明第一書也在承議郎蘇液處世多刻石

懷素千文

右絹書真蹟在蘇液處沈邁刻版本是也

懷素書任華草書歌

海岳題跋

卷之一
十五

汲古閣

右真蹟兩幅絹書字法清逸歌辭奇偉在駙馬都尉王晉卿第尚方有三幅乃其後幅適完嘗請出第觀復歸尚方

李邕多熱要葛粉帖

右白麻紙真蹟上有唐氏雜蹟字印陳氏圖書字印勾德元圖書記字印紫微舍人石揚休物今在其孫前宿州支使夷庚處前一帖與光八郎謝惠鹿帖真蹟余過甬上於夷庚處購得之

懷素草書祝融高座帖

右絹書兩行此字入神石紫微嘗刻石有六行今不見前四行問夷庚云在王洙叅政家此亦爲其子弟購去矣

陳賢草書帖

右六七紙字奇逸難辨如日本書上亦有唐氏雜蹟字印在駙馬都尉李公炤家

顏真卿祭叔濠州使君文

海岳題跋

卷之一
十六

汲古閣

右真蹟楮紙書改抹多在長安安氏子師文攜至京

顏真卿疎拙帖

右麻紙書真字清勁秀發亦與李大夫時顏責硤州別駕此顏第一帖也

懷素三帖

右絹帖云貧道胸中如刀刺第二帖見顏公第二帖律公發懷素不與世之第一帖也亦見于師文

懷素自序

右在湖北運判承議郎蘇泌處前一帖破碎不存其父舜欽補之

庾翼帖全幅上有寶篆審定印

張芝王翼二帖非真

虞世南汝南公主墓誌

歐陽詢碧笈四帖草聖

顏真卿與李大夫奏事張掖二帖

海岳題跋

卷之一
十七

汲古閣

懷素草書三幅楊凝式書三帖

皇象急就唐撫奇絕

右在故相張公齊賢孫名直清字汝卿處今為楚州山陽主簿

王右軍相温破羌帖有開元印唐懷充跋

右筆法入神奇絕帖與王修學士家稚恭帖同是神物有開元印懷充跋在蘇澄道淵之子之淳處今為歙州判官

王獻之送梨帖有黎氏印連栢公權跋王右軍言敘帖兩行有貞觀半印徐僧權字

右在左藏庫副使劉季孫處據栢公權跋於唐太宗書前雜出獻之書乃將其父書却黏於獻之帖後云又一帖栢誤以父爲子矣況不知書者乎

李邕四帖內一幅碧箋有唐氏雜迹印勾德元圖書記印陳氏圖書印與石夷庚所藏

多熱帖同

海岳題跋

卷之一
十八

汲古閣

右在章子厚家

王右軍筆陣圖前有自寫真紙緊薄如金葉

索索有聲

右同上章公自云借于趙竦今爲蔡河撥發

王右軍紙妙筆精帖有貞觀印王大令日寒

帖有唐氏雜迹印

右故相王曾家物在其孫景融處後爲前龍圖待制沈括存中取之古跋右軍作羊欣大令作薄紹

之仍將大中歲跋刮去數字填爲薛邕記之而故
相辭居正題曰和傳遺余此蓋和凝爲薛氏故物
歸居正耳唐太宗雅不喜子敬書故時人以他名
名之以應募所謂紹之書曰乃子耳字不刮去及
不次獻之頓首字猶在一分許可識大中所跋旣
不能辨復爲不鑿之人所收遂使至寶永失其真
好可痛也

的聞

海岳題跋

卷之一
十九

汲古閣

唐僧懷素自序

右在朝奉郎蘇液處杭州沈氏嘗刻版本泌激皆
舜欽之子蘇氏自參知政事易簡之子耆耆子舜
欽欽之子激四世好事有精鑒亦張彥遠之比已
上三事竝激云見之

洪元奭集右軍越州兩碑

右真蹟在越州僧正子文處嘗通許借未果

褚遂良書黃庭經

右聞綠綾所書丁謂孫倩處質在無錫氏家士多因邑官借出

王右軍書家譜

右在山陰縣王氏家越州教授王渙之以書抵某具言有此書

虞世南書經

右同上在越州上虞

晉中書令王獻之已復此節帖

海岳題跋

卷之一
二十一

汲古閣

右在朝請大夫新昌石元之家關景仁屢見之嘗撫石某見兩本字札精妙

虞世南書汝南公主銘起草

右在通直郎洛陽王護處見撫本給事中舉元子云真蹟在洛陽好事家有古跋

歐陽詢四帖

右同上

顏魯公書韻海

右聞大書朱子魯公書小字他人作蘇駒云在其父刑部尚書處

柳公權書柳尊師墓誌

右真蹟在錢塘唐垌處

張長史千文三帖

右同上摹石乃李師中也洛陽人

歐陽詢鄙陽帖

右同上摹石在靈隱寺

海岳題跋

卷之一
二十一

汲古閣

褚遂良臨王右軍二帖

右同上竝垌自云未肯輕出

老子西昇經褚遂良書閻立本書

右在觀文殿學士洛陽馮京處

晉王惲真草帖晉張翼帖宋阮研帖宋蕭思

話表文帝批答

右在駙馬都尉李瑋處某竝見石本後見李云在

高橋楊氏未獲見

顏真卿寒食帖

右綾紙書在中書舍人錢勰處世多石本

王右軍玉潤帖

右蘇州教授閻丘籲云在承議郎建安王寔處有古跋令裴書人背久不還及翦却半跋皆唐名公也付理不可得匠人願陪四十千卽知其竊真得金已多

蘭亭撫本

海岳題跋

卷之一
二十二

汲古閣

右正議大夫章惇跋蘇激所收蘭亭云此與吾家所收同

褚遂良奉書寧帖

右在關杞某見石本

晉葛玄飛白天台字

右見石本真蹟聞在台州

唐東宮長史陸柬之書十八學士贊

右西京西臺王_珣在舍弟珪處

唐高閑書令狐楚詩

右真蹟在戶部 書康季常家某見石本在湖州

歐陽詢二帖

右在朝議大夫晁端彥處其本與蘇州進士周沔

懷素書蕭常侍日下三帖

右同上

宋羊欣宋翼二帖并楮令摹蘭亭

右見中書舍人蘇軾云在故相王隨之孫景昌處

海岳題跋

卷之一
二十三

汲古閣

撫石在湖州墨妙亭屢見石本今在沈存中括家

柳公權紫綵鞞蘭亭詩二帖

右待制王廣淵撫石跋云龍圖大諫李公帥府暇

日出書請撫石李師中也洛陽人

張長史全本千文

右見臨淮令曾孝蘊云在京師謝氏亦寶文公遠

族也

顏魯公帖

五幅

右見湖州巡檢供奉官石裔駝馬之孫云在書處

王子敬帖

右宣義王碩云其父所收未得將出

淳化間王著受詔繕正秘閣法帖十卷一

推為墨王惟米元章力排其偽帖大半無不
異其賞識故凡法書名画一經米老品題則
巧偽不能惑臨摹不能亂古人所謂能識書

海岳題跋

卷之一
二十四

汲古閣

家王人者也余數年前曾采其遺事一卷行
世今復采題跋數則附以寶章待訪錄彙成
一冊非但欽其討究之精朱文公嘗云此老
胸中丘壑最殊腴處時一吐出以寄真賞耳
至若人外高踪筆墨妙薦紳間讀張伯雨中
岳外史傳陳眉公米襄陽志林序豈曰更有
知不盡處女隅毛晉識

海岳題跋卷之一

